

UPRAVA DRUŠTVA

Broj: U.D-01-3.1-6378/19
Sarajevo, 11.04.2019.godine

Na osnovu člana 45. Statuta, člana 70. Zakona o javnim nabavkama BiH ("Službeni glasnik BiH" broj: 39/14), člana 14. stav (2) Pravilnika o javnim nabavkama "JP BH POŠTA" d.o.o. Sarajevo i preporuke Komisije za nabavku robe: nabavka i isporuka kancelarijskog inventara za potrebe Društva, broj: 07.4-13.73-8744-40/18 od 04.04.2019. godine, Uprava Društva na 204. elektronskoj sjednici održanoj dana 11.04.2019.godine, d o n o s i:

**ODLUKU
O IZBORU NAJPOVOLJNIJEG PONUĐAČA- LOT 5**

I

Ovom Odlukom vrši se izbor najpovoljnijeg ponuđača: „**INTER-COM**“ d.o.o. Zenica, u postupku nabavke robe: nabavku i isporuku kancelarijskog inventara za potrebe Društva, LOT 5 - nabavka usisivača, sa ukupnom vrijednošću od **5.045,00 KM** bez uključenog PDV-a, odnosno 5.902,65 KM sa uključenim PDV-om

II

Izabrani ponuđač je dužan u roku od 5 dana od dana prijema ove odluke o izboru najpovoljnijeg ponuđača dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

O B R A Z L O Ž E N J E

Na osnovu Odluke o pokretanju postupka javne nabavke robe: nabavku i isporuku kancelarijskog inventara za potrebe Društva broj: U.D-01.3.2-11701/18 od 26.07.2018. godine i Rješenja o imenovanju Komisije za nabavku kancelarijskog inventara broj: 01-13.73-8744-6/18 od 01.08.2018. godine kao i saglasnosti Generalnog direktora na tendersku dokumentaciju, proveden je ponovljeni otvoreni postupak javne nabavke, sa objavljivanjem Obavještenja o nabavci broj: 238-1-1-54-3-28/19 na Portalu javnih nabavki, dana 14.02.2019. godine.

Predmetna nabavka je podjeljena u 3 (tri) lota i to:

Lotovi	procijenjena vrijednost
1. LOT 3 – Klima uređaji	32.700,00 KM
2. LOT 5 - Usisivači, mašina za čišćenje podova	5.060,00 KM
3. LOT 6 - Itison- podna prostirka	5.125,00 KM

Javno otvaranje ponuda od strane Komisije za nabavku održano je u Banket Sali GD, dana 13.03.2019. godine sa početkom u 10h i 15min, o čemu je sačinjen Zapisnik o otvaranju ponuda broj:01-13.73-8744-39/18, koji je sastavni dio ovog izvještaja. Zapisnik sa otvaranja ponuđačima je upućen fax-om 13.03.2019. godine.

Komisija je prije samog otvaranja ponuda konstatovala sljedeće:

- da je 20 (dvadeset) potencijalnih ponuđača preuzeo tendersku dokumentaciju sa Portala javnih nabavki;
- da je ukupno 2 (dva) ponuđača dostavilo svoje kovertne sa ponudama i to, prema redoslijedu dostavljanja na protokol:

1. Mira-Mar doo Foča, Vidovdanska FOČA
2. INTER-COM d.o.o. Zenica, 72000 Zenica, Vrandučka 71b



- da su sve koverta sa ponudama neoštećene, uredno zapakovane i zapečaćene;
- da su za LOT 3. stigla jedna ponuda, za LOT 5. stigle (dvije) ponude, za LOT 6. stigle 2 (dvije) ponude, da su na koverta stavljani redni brojevi prema kojima je utvrđen redoslijed otvaranja i čitanja ponuda.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust.

Nakon izvršenog otvaranja ponuda Komisija je pristupila analizi dokumentacije priloženih uz ponuda u smislu provjere njihove validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Zakonom o javnim nabavkama, podzakonskim aktima i Pravilnikom o javnim nabavkama broj: U.D-01-3.2-5233/15 od 04.03.2015. godine.

U tom smislu Komisija je konstatovala da:

LOT 5. Nabavka usisivača:

- Ponuda ponuđača „Mira-Mar“ d.o.o. Foča, sa ukupnom vrijednosti ponude, bez PDV-a u iznosu od **4.800,00 KM**, neispunjava uslove utvrđene tenderskom dokumentacijom, naime tenderskom dokumentacijom pod tačkom 7.3.2 pod a) traženo je „spisak izvršenih Ugovora po svakom LOT-u o isporučenim robama koji su predmet nabavke (za svaki LOT posebno) I **uz spisak izvršenih Ugovora ponuđač je dužan dostaviti potvrdu** koje su u vezi sa listom isporučene robe, a koju daje druga Ugovorna strana o njihovoj realizaciji, što ponuđač nije zadovoljio. Iz dostavljenih potvrda i spiska izvršenih ugovora nije moguće zaključiti da se radi o isporuci usisivača koji su predmet nabavke. Ugovorni organ je u obrazcu za cijenu ponude u tehničkom dijelu zahtjevao snagu motora od min-max 1200 w -1500w a ponuđač je dostavio na strani 24 tehnički list iz kojeg je vidljivo daje snaga 1050w, te je njegova ponuda ocjenjena kao **neprihvatljiva**.
- Ponuda ponuđača „INTER-COM“ d.o.o. Zenica, sa ukupnom vrijednosti ponude, bez PDV-a u iznosu od 5.045,00 KM, ispunjava sve pravne, ekonomske i tehničke uslove utvrđene tenderskom dokumentacijom, te je ista **ocjenjena kao formalno-pravno, ekonomski i tehnički prihvatljiva**.

S obzirom da je tačkom 9.1. tenderske dokumentacije propisano da će se u ovom postupku javne nabavke provesti e-aukcija na Portalu javnih nabavki, te kako je komisija utvrdila da je za predmetnu nabavku pristigla samo jedna prihvatljiva ponuda, u skladu s Pravilnikom o uslovima i načinom korištenja e-aukcije („Službeni glasnik BiH“ broj 66/16) se nisu stvorili uslovi da se ista zakaže.

Shodno gore navedenom i obzirom na kriterij za dodjelu ugovora "**najniža cijena**" utvrđuje se rang lista ponuđača sa cijenama **bez uključenog PDV-a** kako slijedi:

LOT 5. Nabavka klima uređaja,

1. „INTER-COM“ d.o.o. Zenica, sa ukupnom cijenom ponude **5.045,00 KM**

Cijeneći navedeno, te shodno ovako utvrđenoj rang listi ponuđača, Komisija jednoglasno daje preporuku Upravi Društva da donese: za **LOT 5. nabavka usisivača, odluku o izboru najpovoljnijeg ponuđača: „INTER-COM“ d.o.o. Zenica**, sa ukupnom cijenom ponude od **5.045,00 KM** bez uključenog PDV-a, odnosno 5.902,65 KM sa uključenim PDV-om,

Cijeneći navedeno, donesena je Odluka kao u dispozitivu.

